



Vogošća, ul. Jošanička, br. 80; tel: 00387 33 586 413, fax: 586 418

Broj: 03-14-1102/17  
Vogošća, 10.07.2017. godine

Na osnovu člana 69. stav 2. tačka e), člana 70. Zakona o javnim nabavkama BiH ("Službeni glasnik BiH" broj: 39/14), i člana 71. i 125. Statuta Općine Vogošća ("Službene novine Kantona Sarajevo", broj 27/14-Prečišćeni tekst i 14/15), Općinski načelnik dana 11.07.2017. godine donio je

**ODLUKU  
O PONIŠTENJU POSTUPKA JAVNE NABAVKE IZVOĐENJA RADOVA NA IZGRADNJI  
VANJSKOG SPORTSKOG IGRALIŠTA PRI JU OŠ "IZET ŠABIĆ" HOTONJ, VOGOŠĆA**

**Član 1.**

Poništava se postupak javne nabavke, po Otvorenom postupku za Izvođenje radova na izgradnji vanjskog sportskog igrališta pri JU OŠ "Izet Šabić" Hotonj, Vogošća broj: 03-14-1102/17, jer je cijena jedine prihvatljive ponude znatno veća od osiguranih sredstava za predmetnu nabavku.

**Član 2.**

Ova odluka stupa na snagu danom donošenja, a objaviće se na web stranici Općine Vogošća.

**OBRAZLOŽENJE**

Postupak javne nabavke, po Otvorenom postupku za Izvođenje radova na izgradnji vanjskog sportskog igrališta pri JU OŠ "Izet Šabić" Hotonj, Vogošća broj: 03-14-1102/17 pokrenut je Odlukom o pokretanju postupka javne nabavke broj: 03-14-1102/17 od 01.06.2017. godine. Tenderska dokumentacija i obavještenje o nabavci su objavljeni na portalu javnih nabavki dana 02.06.2017. godine pod brojem 1353-1-3-51-3-20/17. Tendersku dokumentaciju sa portala Agencije za javne nabavke "e-nabavke" je preuzelo 16 (šestnaest) privrednih subjekata (u prilogu Izvještaj o preuzimanju Tenderske dokumentacije na dan 23.06.2017. godine).

Rok za prijem ponuda je bio 23.06.2017. godine do 14:00 sati.

Komisija je izvršila javno otvaranje ponuda, što je konstatovano Zapisnikom sa otvaranja ponuda od 23.06.2017. godine.

Shodno navedenom Zapisniku sa otvaranja ponuda Komisija konstatuje da su zaprimljene tri ponude i to:

- Ponuda ponuđača „AME" d.o.o. Breza, broj int. knjige 123, sa ponuđenom cijenom od 106.515,60 KM bez PDV-a;
- Ponuda ponuđača „G.D. KONSTRUKCIJE" d.o.o. Mostar, broj int. knjige 125, sa ponuđenom cijenom od 110.604,88 KM bez PDV-a i popustom od 4% (cijena sa uračunatim popustom bez PDV-a je 106.180,69 KM);
- Ponuda ponuđača „MIBRAL" d.o.o. Sarajevo, broj int. knjige 126, sa ponuđenom cijenom od 144.692,32 KM bez PDV-a.



Nakon izvršenog otvaranja, Komisija je pristupila analizi dokumentacije priložene uz ponude, u smislu provjere njihove validnosti, s obzirom na iskazane zahtjeve Ugovornog organa u Tenderskoj dokumentaciji broj: 03-14-1102/17 iz juna 2017. godine, odnosno pregledu ponuda u skladu sa procedurama i pravilima utvrđenim Tenderskom dokumentacijom, te Zakonom o javnim nabavkama BiH i pripadajućim podzakonskim aktima.

Uvidom u priloženu dokumentaciju i suštinskom provjerom sadržaja i validnosti dokumentacije, Komisija je utvrdila sljedeće:

1. Ponuda ponuđača „AME" d.o.o. Breza, ne ispunjava sljedeće uslove iz Tenderske dokumentacije:

- u sklopu dokumentacije tražene tačkom: 7.3.2. nedostaje:

a) Izjava na obrascu ponuđača o ostvarenom prometu izvršenja radova, koji su u vezi sa predmetnom nabavkom u posljednje tri finansijske godine.

2. Ponuda ponuđača „G.D. KONSTRUKCIJE" d.o.o. Mostar ne ispunjava sljedeće uslove iz Tenderske dokumentacije:

- u sklopu dokumentacije pod tačkom: 7.4.1. a) traženo je da se ispunjava uslov da je ponuđač kao glavni izvođač/ugovarač obavljao/izvodio radove koji se odnose na predmetnu nabavku (**izgradnja vanjskog sportskog igrališta**), te u svrhu dokazivanja tačka 7.4.2. pod a) tražen je spisak izvršenih Ugovora sa potvrđama o izvršenim Ugovorima.

Uvidom u predmetnu podnudu, Komisija je utvrdila da se dostavljena Potvrda broj 05/2-23-1058/15 od 02.02.2017. godine; Potvrda od 07.01.2015. godine; Potvrda od 03.02.2016. godine i Potvrda od 26.10.2016. godine ne odnose na predmetnu nabavku-izgradnja vanjskog sportskog igrališta.

3. Ponuda ponuđača „MIBRAL" d.o.o. Sarajevo, ispunjava formalno pravne uslove, odnosno zahtjeve Ugovornog organa tražene Tenderskom dokumentacijom.

Zatim je Komisija pristupila razmatranju finansijskog dijela Ponude ponuđača „MIBRAL" d.o.o. Sarajevo, koja je jedina formalno-pravno ispravna, te izvršila i računsku provjeru dostavljene ponude i utvrdila da nema računskih grešaka.

Komisija je zatim konstatovala da ukupni iznos Ponude ponuđača „MIBRAL" d.o.o. Sarajevo u visini od 144.692,32 KM bez PDV-a, znatno prelazi procijenjenu vrijednost nabavke predviđenu Tenderskom dokumentacijom. Shodno tome Komisija se usaglasila da od nadležne Službe koja je podnijela zahtjev za pokretanje postupka predmetne nabavke traži izjašnjenje, da li mogu obezbijediti razliku sredstava u Budžetu Općine Vogošća za realizaciju predmetne nabavke.

Nadležna Služba je aktom broj: 03-14-1102/17 od 06.07.2017. godine, dala sljedeće izjašnjenje:

"Služba za privredu, integrisani lokalni razvoj i društvene djelatnosti ne može obezbijediti razliku sredstava u iznosu od 44.692,32 KM za realizaciju predmetne nabavke".

Shodno Izjašnjenju nadležne Službe, Komisija je jednoglasno dala preporuku Općinskom načelniku da donese Odluku o poništenju predmetnog postupka nabavke, jer je cijena jedine prihvatljive ponude znatno veća od osiguranih sredstava za predmetnu nabavku, a u skladu sa članom 69. stav 2. tačka e) Zakona o javnim nabavkama BiH ("Službeni glasnik BiH" broj: 39/14).

Obzirom na naprijed navedeno, odlučeno je kao u dispozitivu Odluke.

#### **Pouka o pravnom lijeku:**

Ponuđač koji je učestvovao u postupku nadmetanja može radi zaštite svojih prava, u roku od deset dana od prijema Odluke o izboru najpovoljnijeg ponuđača izjaviti žalbu. Žalba se podnosi Uredu za razmatranje žalbi BiH putem Ugovornog organa.

Dostavljeno:

1. „AME" d.o.o. Breza

032/783-936

2. „G.D. KONSTRUKCIJE" d.o.o. Mostar

036/584-112

3. „MIBRAL“ d.o.o. Sarajevo
4. Nadležnoj Službi
5. U dosije
6. a/a

033/656-680

OPĆINSKI NAČELNIK

